

განხილულია ფაკულტეტის საბჭოს სხდომაზე:

ოქმი № 819-21, 19.10.2021

დამტკიცებულია მმართველი საბჭოს გადაწყვეტილებით:

დადგენილება № 27, 28.10.2021

ბოლო ცვლილებები განხილულია ფაკულტეტის საბჭოს სხდომაზე:

ოქმი №812-25, 02.09.2025

დამტკიცებულია მმართველი საბჭოს გადაწყვეტილებით:

დადგენილება №20, 05.09.2025

საბაკალავრო საგანმანათლებლო პროგრამა
ტურიზმი

განათლების საფეხური:	ბაკალავრიატი (უმაღლესი აკადემიური განათლების I საფეხური)
სწავლების ენა:	ქართული
საგანმანათლებლო პროგრამის ტიპი:	აკადემიური
დეტალური სფეროს დასახელება და კოდი:	1015 მოგზაურობა, ტურიზმი და დასვენება
მისანიჭებელი კვალიფიკაცია:	ტურიზმის ბაკალავრი Bachelor of Tourism
სწავლის ხანგრძლივობა:	4 წელი (8 სემესტრი)
საგანმანათლებლო პროგრამის მოცულობა:	240 ECTS
პროგრამის ხელმძღვანელი:	პროფესორი, დოქტ. მაია აზმაიფარაშვილი მობ.: (+995) 577 771135 ელ. ფოსტა: azmaiparashvili.maia@eu.edu.ge

პროგრამაზე დაშვების წინაპირობა

ტურიზმის საბაკალავრო საგანმანათლებლო პროგრამაზე ჩარიცხვის უფლება აქვს სრული ზოგადი განათლების დამადასტურებელი ან მასთან გათანაბრებული დოკუმენტის მქონე პირს, რომელიც ერთიანი ეროვნული გამოცდების შედეგების საფუძველზე სწავლის უფლებას მოიპოვებს ევროპის უნივერსიტეტში.

პროგრამაზე ჩარიცხვისთვის აბიტურიენტი ვალდებულია ერთიანი ეროვნულ გამოცდებზე ჩააბაროს შემდეგი საგნები:

ა) ქართულ ენა და ლიტერატურა, (აბიტურიენტმა უნდა გადალახოს კანონმდებლობით დადგენილი მინიმალური კომპეტენციის ზღვარი)

ბ) უცხოური ენებიდან ერთ-ერთი შემდეგი საგანი: ინგლისური ენა, გერმანული ენა, ფრანგული ენა, რუსული ენა (აბიტურიენტმა უნდა გადალახოს კანონმდებლობით დადგენილი მინიმალური კომპეტენციის ზღვარი)

გ) ერთ-ერთი შემდეგი საგანი: ისტორია/მათემატიკა/გეოგრაფია (აბიტურიენტმა უნდა გადალახოს კანონმდებლობით დადგენილი მინიმალური კომპეტენციის ზღვარი). თითოეული საგნისთვის განკუთვნილი ადგილების რაოდენობა არ უნდა იყოს პროგრამაზე გამოცხადებული ადგილების 10%-ზე ნაკლები. ზუსტი პროცენტული განაწილება განისაზღვრება პროგრამის ხელმძღვანელის მიერ ადგილების გამოცხადებამდე.

პროგრამაზე ერთიანი ეროვნული გამოცდების გავლის გარეშე სწავლის უფლებას მოპოვებენ:

პირები, რომლებსაც „უმაღლეს საგანმანათლებლო დაწესებულებაში ერთიანი ეროვნული გამოცდების/საერთო სამაგისტრო გამოცდების გავლის გარეშე სწავლის უფლების მქონე აბიტურიენტების/მაგისტრანტების კანდიდატების/სტუდენტების მიერ დოკუმენტების წარდგენისა და განხილვის წესის დამტკიცების შესახებ“ საქართველოს განათლებისა და მეცნიერების მინისტრის 2011 წლის 29 დეკემბრის №224/ნ ბრძანების საფუძველზე უფლება აქვთ ჩაირიცხონ უნივერსიტეტში ერთიანი ეროვნული გამოცდების გავლის გარეშე. აღნიშნული პირები ვალდებული არიან დაადასტურონ ქართული ენის B2 დონეზე ფლობა „ევროპის უნივერსიტეტის სტუდენტის ენობრივი კომპეტენციის დადგენის წესის“ შესაბამისად.

პროგრამაზე ასევე დაიშვებიან:

„უმაღლესი საგანმანათლებლო დაწესებულებიდან სხვა უმაღლეს საგანმანათლებლო დაწესებულებაში გადასვლის წესისა და საფასურის დამტკიცების შესახებ“ საქართველოს განათლებისა და მეცნიერების მინისტრის 2010 წლის 4 თებერვლის №10/ნ ბრძანების შესაბამისად მობილობის წესით ჩარიცხული სტუდენტები.

პროგრამის აქტუალობა

მოგზაურობისა და ტურიზმის სფერო, როგორც დარგთაშორისი რთული კომპლექსი ოპერირებს ურთიერთდაკავშირებული და მონათესავე ინდუსტრიების უზარმაზარი ქსელის, ასევე, სხვა დამხმარე ინდუსტრიების მეშვეობით. ტურიზმის სექტორის ღირებულებების შემქმნელი ჯაჭვი ითხოვს განსხვავებულ მიდგომებს, რაც აისახება კადრების მომზადების პროცესში. ტურიზმის დარგის სწრაფი განვითარება და ცვლილებები ბუნებრივად იწვევს მოთხოვნის ადეკვატურ ზრდას სპეციალისტებზე. საერთაშორისო ასპარეზზე ეროვნული ტურიზმის კონკურენტუნარიანობის ამაღლება, ტურიზმის მსოფლიო ბაზარზე შესაფერისი ადგილის დამკვიდრება, ახალი გამოწვევების დაძლევა, ტურიზმის გეგმაზომიერი განვითარება და ქვეყნის ეკონომიკურ წინსვლაში წვლილის შეტანა, მნიშვნელოვნად დამოკიდებულია კვალიფიციური კადრების მომზადებაზე. ეროვნული ტურიზმის ინდუსტრიისთვის კონკურენტუნარიანი კადრების

მომზადება ტურიზმის საბაკალავრო საგანმანათლებლო პროგრამის მნიშვნელოვან ამოცანას უნდა წარმოადგენდეს.

კრიზისი ტურიზმის სექტორისთვის საშუალებაა განიცადოს ტრანსფორმაცია და გახდეს გამძლე, გარდაქმნის, აღდგენის დაჩქარების საწინდარი. პანდემიის უპრეცედენტო ზეგავლენა მოითხოვს ახალ მიდგომებს, ინოვაციებს, ინიციატივებსა და შესაბამის რეაგირებას. ამჟამინდელი სექტორი ეყრდნობა ხარისხიან განათლებას და კვალიფიციურ რესურსებს, ახალ სამუშაო ძალას, აღჭურვილს აუცილებელი თეორიული ცოდნით და გლობალურ ტურიზმში მიმდინარე მოვლენებისა და პროცესების ანალიზის უნარით. შრომის ბაზრის საჭიროებების გათვალისწინებით, უმთავრეს გამოწვევას მცოდნე და მრავალფეროვანი უნარების მქონე კადრების ნაკლებობა წარმოადგენს. შემუშავებული ტურიზმის საბაკალავრო საგანმანათლებლო პროგრამა, ტურიზმის ინდუსტრიას უზრუნველყოფს თანამედროვე ცოდნაზე დაფუძნებული კვალიფიციური და მოტივირებული კადრებით, რაც შესაბამისად საწინდარია ამავე ინდუსტრიის გრძელვადიანი განვითარების.

პროგრამის მიზნები

ტურიზმის მიმართულების საბაკალავრო საგანმანათლებლო პროგრამაში გამჭოლადაა ასახული ევროპის უნივერსიტეტის მისია, ხედვა და ღირებულებები, აგრეთვე ბიზნესისა და ტექნოლოგიების ფაკულტეტის ძირითადი მიზნები და ამოცანები. მასში, ასევე, გათვალისწინებულია ადგილობრივი შრომის ბაზრის მოთხოვნები და საერთაშორისო ბაზრის ტენდენციები, ადგილობრივი თუ უცხოური უნივერსიტეტების მიერ განხორციელებული ტურიზმის საბაკალავრო პროგრამების წარმატებული გამოცდილება. აღნიშნულის საფუძველზე, ტურიზმის საბაკალავრო პროგრამა ორიენტირებულია უმაღლესი განათლების თანამედროვე სტანდარტების შესაბამისი სწავლების შეთავაზებით მოამზადოს და შრომის ბაზარზე მოთხოვნადი კომპეტენციებით აღჭურვოს ტურიზმის ბაკალავრის ხარისხის მქონე, კონკურენტუნარიანი, სოციალური პასუხისმგებლობის მატარებელი სპეციალისტები.

ზემოაღნიშნულის გათვალისწინებით, ტურიზმის საბაკალავრო პროგრამის მიზანია:

1. **მისცეს ცოდნა** ტურიზმისა და მასთან დაკავშირებული ფუნქციონალური სფეროების შესახებ, რომელიც მოიცავს ტურიზმის კომპლექსური საკითხების, თეორიებისა და პრინციპების კრიტიკულ გააზრებას; შესძინოს ცოდნა ტურიზმის ეკონომიკური მნიშვნელობის, ტურისტული ინდუსტრიის დარგობრივი სტრუქტურის, ტურიზმის პოლიტიკის, მართვის და დაგეგმვის საკითხებზე;
2. **განუვითაროს** პრაქტიკული უნარები ტურისტული რესურსებისა და პოტენციალის შეფასებისა და ანალიზის, ტურისტული პროდუქტის ფორმირების, განვითარებისა და რეალიზაციის შესახებ;
3. **გამოუმუშავოს უნარები**, რომლებიც დაეხმარება ტურიზმის სფეროში წამოჭრილი აქტუალური პრობლემების დამოუკიდებლად იდენტიფიცირებასა და მათი გადაჭრის სტრატეგიების დაგეგმვაში, სოციალური-ეკონომიკური ასპექტების და ეთიკური ნორმების გათვალისწინებით.

საბაკალავრო პროგრამის ფარგლებში დასახული მიზნების თანმიმდევრული და სრულფასოვანი განხორციელება უზრუნველყოფს უმაღლესი განათლების კვალიფიკაციათა ჩარჩოს პირველი საფეხურის (ბაკალავრიატის) კვალიფიკაციათა აღმწერის შესაბამისი სწავლის შედეგების მიღწევას.

სწავლის შედეგები

პროგრამის სასწავლო გეგმით შეთავაზებული სასწავლო კურსების წარმატებით დასრულება ხელს შეუწყობს კურსდამთავრებულს ჩამოუყალიბდეს/განუმტკიცდეს დარგობრივი კომპეტენციები (აგრეთვე ზოგადი

უნარები, რომლებიც გამჭოლად არის ასახული ცალკეული კურსების სილაბუსებში). კერძოდ, ტურიზმის საბაკალავრო საგანმანათლებლო პროგრამის დასრულების შედეგად კურსდამთავრებულს ჩამოუყალიბდება შემდეგი კომპეტენციები:

პროგრამის სწავლის შედეგები	სწავლის შედეგების აღწერილობა
1	აღწერს ტურიზმისა და მასთან დაკავშირებული ფუნქციონალური სფეროების არსებით ფაქტორებს, თეორიებს, კონცეფციებს, პრინციპებსა და ტურისტული საქმიანობის პროცესებს; ასევე, ტურიზმის სფეროს ეკონომიკურ მახასიათებლებს, ეკონომიკურ ზეგავლენას, ფინანსურ, პოლიტიკურ-სამართლებრივ, სოციალურ-კულტურულ, ეკოლოგიურ საკითხებს.
2	განიხილავს ტურიზმის ინდუსტრიის ძირითადი და დამხმარე სექტორების დარგობრივი საქმიანობის პროცესებს, ტურისტული პროდუქტისა და მომსახურების დაგეგმვის, განხორციელებისა და მართვის საკითხებს; ტურისტული საწარმოს ბიზნეს საქმიანობის შედეგებს, კონკურენციის მამოძრავებელ ძალებს; ტურიზმთან დაკავშირებული ორგანიზაციული პროცესების მართვის ზოგად პრინციპებს.
3	აიდენტიფიცირებს ტურისტული რესურსებისა და პოტენციალის ხარისხობრივ მახასიათებლებს; განასხვავებს საქართველოსა და სხვა ქვეყნების საკურორტო-რეკრეაციული მეურნეობის რესურსებსა და პოტენციალს; განიხილავს ტურისტული პროდუქტის სრულყოფის პერსპექტივებს.
4	აანალიზებს ტურისტული მიმართულების პოზიციონირების სტრატეგიულ მიდგომებს მიზნობრივ ბაზრებთან მიმართებაში; ტურისტული დანიშნულების ადგილს განიხილავს , როგორც რეგიონული ტურიზმის განვითარების შესაძლებლობას; ახდენს ტურიზმის ინდუსტრიის სტრუქტურაში შემავალი ერთეულების/სუბიექტების კლასიფიკაციას.
5	განსაზღვრავს მარკეტინგული ინფორმაციის მოპოვების საშუალებებსა და მეთოდებს, მარკეტინგისა და გაყიდვების მართვის პრინციპებს; მარკეტინგული მონაცემების შეგროვების, მსოფლიო და ადგილობრივი ტურისტული ბაზრების ტენდენციების შეფასებისა და დაკავშირების საფუძველზე ახდენს მათ კლასიფიცირებას და ანალიზს; გონივრულად იყენებს აპრობირებულ მეთოდებსა და ინსტრუმენტებს ტურისტული საქმიანობის, პროდუქტისა და მომსახურების შემუშავების, განხორციელებისა და რეალიზაციისთვის.
6	სტატისტიკური მეთოდებითა და ხერხებით აანალიზებს ტურიზმის სფეროში მიმდინარე მოვლენებსა და პროცესებს; ტურისტულ ბაზარზე არსებულ პრობლემებსა და თანამედროვე გამოწვევებს.
7	განსაზღვრავს ძირითად ფაქტორებს, რომლებიც გავლენას ახდენენ ტურიზმის უსაფრთხოებაზე, გამოყოფს საფრთხისა და რისკის სახეებს; იყენებს ტურისტების უსაფრთხოების უზრუნველყოფის ღონისძიებებს.
8	აყალიბებს იდეებს, ტურიზმის სფეროში არსებული პრობლემების გადაჭრის გზების შესახებ და ამზადებს დეტალურ წერილობით ანგარიშს/პრეზენტაციას,

	ასევე, ახდენს კომუნიკაციას დარგობრივ საკითხებთან დაკავშირებით.
9	დამოუკიდებლად იკვლევს და აიდენტიფიცირებს ტურიზმის სფეროში არსებულ გამოწვევებს და სახავს მათთან გამკლავების გზებს ტურიზმის სფეროში აღიარებული პრინციპებისა და ეთიკური ნორმების დაცვით. შეიმუშავებს საკუთარი და სხვების პროფესიული განვითარების გეგმას, გუნდური მუშაობის პრინციპების გამოყენებით.

საგანმანათლებლო პროგრამის სწავლის შედეგები შესაბამისობაშია პროგრამის მიზნებთან (იხ.დანართი #1).

საგანმანათლებლო პროგრამის კომპონენტებით უზრუნველყოფილია პროგრამის სწავლის შედეგების მიიღწევა (იხ. დანართი #2).

პროგრამის მოცულობა

ტურიზმის საბაკალავრო საგანმანათლებლო პროგრამა აგებულია კრედიტების ტრანსფერის ევროპული სისტემის (ECTS) საფუძველზე, სტუდენტზეა ორიენტირებული და ემყარება სტუდენტის აკადემიურ დატვირთვას, რომელიც საჭიროა საგანმანათლებლო პროგრამის მიზნებისა და შედეგების მისაღწევად.

პროგრამის ხანგრძლივობა შეადგენს 4 აკადემიურ წელს (8 სემესტრს) და მოიცავს 240 (ECTS) კრედიტს (6000 საათს ჯამში).

1 კრედიტი მოიცავს 25 ასტრონომიულ საათს; კრედიტი დროს ერთეულში (სთ.) ასახავს სამუშაოს იმ მოცულობას, რომელიც საჭიროა სტუდენტის მიერ პროგრამის შესაბამისი სასწავლო კურსის ასათვისებლად და სწავლის შედეგების მისაღწევად. კრედიტი ითვალისწინებს საკონტაქტო და დამოუკიდებელი მუშაობის საათებს.

სემესტრის განმავლობაში სტუდენტმა უნდა დაძლიოს 30 კრედიტი (30 კრედიტი = 750 სთ.), ხოლო აკადემიური წლის განმავლობაში - 60 კრედიტი, თუმცა, სტუდენტის ინდივიდუალური დატვირთვიდან გამომდინარე, კრედიტების რაოდენობა აკადემიური წლის განმავლობაში შეიძლება იყოს 60-ზე ნაკლები ან მეტი, მაგრამ არაუმეტეს 75 კრედიტისა.

უნივერსიტეტი უფლებამოსილია, საგანმანათლებლო მიზნებიდან გამომდინარე, ბაკალავრიატის საგანმანათლებლო პროგრამების ფარგლებში განახორციელოს სწავლება-სწავლის პროცესი არასრული დატვირთვით.

ერთი აკადემიური სასწავლო წელი მოიცავს 42 კვირას, ერთი სემესტრი 21 კვირას, მათ შორის 15 კვირა არის სასწავლო, დანარჩენი 6 კვირა კი სასესიო. მე-8, მე-9 კვირა ეთმობა შუალედურ გამოცდას, მე-18 და მე-20 კვირა დასკვნითი გამოცდების პერიოდია, ხოლო 21-ე კვირა დამატებითი გამოცდების პერიოდი. დასკვნით და შესაბამის დამატებით გამოცდას შორის შუალედია დასკვნითი გამოცდის შედეგების გამოცხადებიდან არანაკლებ 5 დღე.

პროგრამის სტრუქტურა

ტურიზმის საბაკალავრო პროგრამა მოიცავს 240 კრედიტს, აქედან:

- **ძირითადი სწავლის სფეროს სასწავლო კურსები** - სავალდებულო სასწავლო კურსები - 166 კრედიტი, მათ შორის პრაქტიკა - 6 კრედიტი და საბაკალავრო პროექტი - 5 კრედიტი; ასევე, არჩევითი სასწავლო კურსები - 15 კრედიტი;
- **თავისუფალი კომპონენტი**, რომელიც ორიენტირებულია ზოგადი/ტრანსფერული უნარების განვითარებაზე- სავალდებულო სასწავლო კურსები - 49 კრედიტი, არჩევითი სასწავლო კურსები - 10 კრედიტი.

შენიშვნა: თავისუფალი არჩევითი სასწავლო კურსების არჩევა ხდება უნივერსიტეტში მოქმედი შესაბამისი საფეხურის ნებისმიერი საგანმანათლებლო პროგრამის ფარგლებში არსებული სასწავლო კურსებიდან, დაშვების წინაპირობების დაცვით.

საბაკალავრო პროგრამით გათვალისწინებული სასწავლო კურსები მიმართულია პროგრამაში დასახული მიზნების მიღწევაზე და სწავლის შედეგად მისაღები კვალიფიკაციის შესაბამისი კომპეტენციების ჩამოყალიბებაზე. მისაღწევი კომპეტენციების ფორმირების ლოგიკური თანმიმდევრობა განსაზღვრავს საბაკალავრო პროგრამის შინაარსს, სტრუქტურას და სასწავლო გეგმას.

საგანმანათლებლო პროგრამის კომპონენტები, კომპონენტების კრედიტების მოცულობა, წინაპირობები და სემესტრების მიხედვით კომპონენტების განაწილება განსაზღვრულია დანართით პროგრამის სასწავლო გეგმა (იხ. დანართი #5).

სტუდენტის ცოდნის შეფასების სისტემა

შეფასების მეშვეობით განისაზღვრება სტუდენტის მიღწევების შესაბამისობა პროგრამის კონკრეტულ შედეგებთან. ტურიზმის საბაკალავრო საგანმანათლებლო პროგრამაში სტუდენტის ცოდნის შეფასება დაფუძნებულია კრიტერიუმებზე, რომლებიც განსაზღვრავენ ფლობს თუ არა სტუდენტი სასწავლო კურსით განსაზღვრულ სწავლის შედეგებს.

პროგრამის ფარგლებში გამოყენებული შეფასების სისტემა შეესაბამება საქართველოს განათლებისა და მეცნიერების მინისტრის 2007 წლის 5 იანვრის №3 ბრძანებით დამტკიცებულ „უმადლესი საგანმანათლებლო პროგრამების კრედიტებით გაანგარიშების წესს“.

სწავლის შედეგების მიღწევა ფასდება შუალედური და დასკვნითი შეფასებებით, რომელთა ჯამი წარმოადგენს საბოლოო შეფასებას. სასწავლო კურსის მაქსიმალური საბოლოო შეფასება შეადგენს 100 ქულას.

შეფასების სისტემა ითვალისწინებს:

ა) ხუთი სახის დადებით შეფასებას:

- ა.ა) (A) ფრიადი – 91-100 ქულა;
- ა.ბ) (B) ძალიან კარგი – 81-90 ქულა;
- ა.გ) (C) კარგი – 71-80 ქულა;
- ა.დ) (D) დამაკმაყოფილებელი – 61-70 ქულა;
- ა.ე) (E) საკმარისი – 51-60 ქულა.

ბ) ორი სახის უარყოფით შეფასებას:

ბ.ა) (FX) ვერ ჩააბარა – 41-50 ქულა, რაც ნიშნავს, რომ სტუდენტს ჩასაბარებლად მეტი მუშაობა სჭირდება და ეძლევა დამოუკიდებელი მუშაობით დამატებით გამოცდაზე ერთხელ გასვლის უფლება;

ბ.ბ) (F) ჩაიჭრა – 40 ქულა და ნაკლები, რაც ნიშნავს, რომ სტუდენტის მიერ ჩატარებული სამუშაო არ არის საკმარისი და მას სასწავლო კურსი/საგანი ახლიდან აქვს შესასწავლი.

საგანმანათლებლო პროგრამის კომპონენტში, უარყოფითი შეფასების (FX) მიღების შემთხვევაში სტუდენტს ეძლევა დამატებით გამოცდაზე გასვლის უფლება. დამატებით გამოცდაზე გასვლის უფლებას სტუდენტი იღებს იმ შემთხვევაშიც, თუ მან დააგროვა საბოლოო შეფასების 51 ქულა ან მეტი, მაგრამ ვერ გადალახა დასკვნითი გამოცდისთვის განსაზღვრული მინიმალური კომპეტენციის ზღვარი. დამატებითი გამოცდა ინიშნება დასკვნითი გამოცდის შედეგების გამოცხადებიდან არანაკლებ 5 დღეში.

სტუდენტის მიერ დამატებით გამოცდაზე მიღებულ შეფასებას არ ემატება დასკვნით შეფასებაში მიღებული ქულათა რაოდენობა. დამატებით გამოცდაზე მიღებული შეფასება არის დასკვნითი შეფასება და აისახება საგანმანათლებლო პროგრამის კომპონენტის საბოლოო შეფასებაში.

შუალედური შეფასება დაყოფილია კომპონენტებად. შუალედური შეფასების სავალდებულო კომპონენტია შუალედური გამოცდა, რომელიც ტარდება მე-8-9 კვირაში. შუალედური შეფასება გულისხმობს სამუშაო ჯგუფში მუშაობის დროს სტუდენტების მუშაობის პროცესის, შუალედური გამოცდის და სტუდენტის დამოუკიდებელი სამუშაოს ჯამურ შეფასებას, ხოლო დასკვნითი შეფასება - დასკვნითი გამოცდის შეფასებას. შუალედური და დასკვნითი შეფასებების მეთოდებს და მათ ხვედრით წილს განსაზღვრავს სასწავლო კურსის განმახორციელებელი პერსონალი შესაბამისი სილაბუსის ფარგლებში. სილაბუსში ასევე განმარტებულია თითოეული კომპონენტის შეფასების კრიტერიუმებიც.

დასკვნით გამოცდაზე სტუდენტი დაიშვება შუალედური შეფასების მინიმალური ზღვარის გადალახვის შემთხვევაში. დასკვნითი გამოცდა ჩაითვლება ჩაბარებულად დასკვნითი გამოცდის მინიმალური ზღვარის გადალახვის შემთხვევაში.

შუალედური შეფასებისთვის და დასკვნითი გამოცდისთვის განსაზღვრულია შემდეგი მინიმალური კომპეტენციის ზღვარი: შუალედური შეფასების 50 %, დასკვნითი გამოცდის შეფასების 50+1%.

კრედიტი ათვისებულად ჩაითვლება თუკი შუალედური შეფასებისა და დასკვნითი გამოცდისთვის დადგენილი მინიმალური ზღვრების გადალახვის საფუძველზე სტუდენტის მიერ მიღებული ქულების ჯამი შეადგენს 51 ქულას ან მეტს.

პრაქტიკა

რეალურ სამუშაო გარემოში პრაქტიკული უნარ-ჩვევების განსავითარებლად და საბაკალავრო პროგრამაზე სწავლების პროცესში მიღებული თეორიული ცოდნის კონკრეტულ სიტუაციაში გამოყენების პრაქტიკული უნარ-ჩვევების გამოსამუშავებლად მნიშვნელოვანია სტუდენტის ჩართვა პროფესიულ პრაქტიკაში. სწორედ ამ მიზნით ტურიზმის საბაკალავრო საგანმანათლებლო პროგრამის ფარგლებში სტუდენტი გადის პროფესიულ პრაქტიკას.

პროფესიული პრაქტიკა სრულდება ევროპის უნივერსიტეტში შემუშავებული „პრაქტიკის კომპონენტის შესრულების და შეფასების წესი“-თ დადგენილი ზოგადი მოთხოვნებისა და შესაბამისი პროგრამის პროფესიული პრაქტიკის სილაბუსით გათვალისწინებული დამატებითი მოთხოვნების დაცვით. პროფესიულ პრაქტიკას სტუდენტი ასრულებს პრაქტიკის ხელმძღვანელის მითითებების გათვალისწინებითა და პროფესიული პრაქტიკის ობიექტზე გამოყოფილი მენტორის მეთვალყურეობით. სტუდენტის შეფასება პროფესიული პრაქტიკის შესრულებისთვის, ხორციელდება შუალედური შეფასებით,

რომელიც მოიცავს პრაქტიკის ხელმძღვანელის და მენტორის შეფასებებს და დასკვნითი შეფასებით, რომლის დროსაც სტუდენტი წარმოადგენს პრაქტიკის ანგარიშსა და პრეზენტაციას. პრაქტიკის დაცვა ხორციელდება შესაბამისი კომისიის წინაშე, საბოლოო შეფასება გამოითვლება კომისიის წევრების შეფასებების საშუალო ქულის დათვლით (პრაქტიკის კომპონენტის შეფასების კრიტერიუმებისა და შეფასების სხვა დეტალების შესახებ ინფორმაციისთვის იხ. პრაქტიკის სილაბუსები).

დასაქმების სფერო

ტურიზმის სფერო დასაქმების მრავალ და მიმზიდველ შესაძლებლობებს გვთავაზობს. ტურიზმის საბაკალავრო საგანმანათლებლო პროგრამის კურსდამთავრებულს შეუძლია დასაქმდეს ტურიზმის სექტორის სხვადასხვა ორგანიზაციულ-სამართლებრივი ფორმის დაწესებულებებში, მცირე და საშუალო ზომის სტრუქტურული ქვედანაყოფების ადმინისტრაციულ პოზიციაზე, ტურისტულ კომპანიებში, სასტუმროს ინდუსტრიაში, საქართველოს ტურიზმის ეროვნული ადმინისტრაციაში, აჭარის ტურიზმის დეპარტამენტში, დცული ტერიტორიების სააგენტოში, დცული ტერიტორიებსა და ეროვნული პარკებში, რეგიონული ადგილობრივი თვითმმართველობით ერთეულებში, ტურიზმის საინფორმაციო ცენტრებში, ტურიზმისა და სასტუმრო ბიზნესის საკონსულტაციო კომპანიებში, ტურიზმის ინდუსტრიაში არსებულ ასოციაციებში.

სწავლის გაგრძელების შესაძლებლობა

ტურიზმის საბაკალავრო საგანმანათლებლო პროგრამის კურსდამთავრებულს - ტურიზმის ბაკალავრი - სწავლის გაგრძელება შეუძლია უმაღლესი აკადემიური განათლების მეორე საფეხურზე-მაგისტრატურაში კანონმდებლობით დადგენილი წესით.

პროგრამის განხორციელების მატერიალური რესურსი

ტურიზმის საბაკალავრო საგანმანათლებლო პროგრამის განსახორციელებლად და პროგრამით გათვალისწინებული სწავლის შედეგების მისაღწევად ევროპის უნივერსიტეტს გააჩნია შესაბამისი მატერიალურ-ტექნიკური ბაზა და რესურსები. კერძოდ:

უნივერსიტეტის შენობა აღჭურვილია პროგრამის განხორციელებისთვის საჭირო შესაბამისი ინვენტარით: სასწავლო აუდიტორიები, საინფორმაციო-საკომუნიკაციო ტექნოლოგიები შესაბამისი პროგრამული უზრუნველყოფითა და ინტერნეტით - პროგრამის ფარგლებში განსახორციელებელი სასწავლო კურსებისთვის (თეორიული და პრაქტიკული მეცადინეობებისთვის) გამოყოფილია აუდიტორიები, პროგრამას უფრო პრაქტიკულს ხდის ტურიზმის სიმულაციური სივრცე-კაბინეტი, აღჭურვილი შესაბამისი ტურისტული ინვენტარით. აგრეთვე, კომპიუტერული კლასი, რომლებიც აღჭურვილია ყველა საჭირო ინვენტარით, კომპიუტერული ტექნიკითა და სასწავლო კურსებისთვის საჭირო ყველაწარმოებული რესურსით, რაც სასწავლო პროცესის შეუფერხებლად წარმართვისა და საჭიროების შემთხვევაში პრაქტიკული სწავლების საშუალებას იძლევა.

ბიბლიოთეკა - აღჭურვილია ტურიზმის სფეროსთან დაკავშირებული დარგობრივი და სამეცნიერო ლიტერატურით, სასწავლო პროგრამით გათვალისწინებული სავალდებულო და დამატებითი წიგნადი ფონდით (პროგრამის ფარგლებში გამოყენებული სავალდებულო ლიტერატურა ხელმისაწვდომია ბიბლიოთეკაში ელექტრონული ან/და ბეჭდური ფორმით), ელექტრონული რესურსებით. ასევე,

უნივერსიტეტში უზრუნველყოფილია საერთაშორისო ელექტრონულ საბიბლიოთეკო ქსელში ჩართულობა, შესაბამისად, სტუდენტებისა და აკადემიური პერსონალისათვის შესაძლებელია საერთაშორისო ელექტრონული ბაზებით სარგებლობა. უნივერსიტეტში ხელმისაწვდომია შემდეგი ელექტრონული ბაზები: EBSCO EP Package ELIT (პაკეტი შეიცავს 11 ბაზას), და eLFL (ელექტრონული ინფორმაცია ბიბლიოთეკებისათვის) ელექტრონული ბაზები (პაკეტი შეიცავს 8 ბაზას), 2019 წლიდან ევროპის უნივერსიტეტის პერსონალისა და სტუდენტებისათვის ხელმისაწვდომი გახდა Elsevier - ის სამეცნიერო ელექტრონულ ბაზაში შემავალი შემდეგი ბაზები: Scopus, Sciencedirect და Funding Institutional (SciVal FundingTM).

საგამოცდო ცენტრი - უზრუნველყოფს პროგრამის ფარგლებში შეფასების პროცესის მხარდაჭერას.

აკადემიური პერსონალის სამუშაო სივრცე - ქმნის უნივერსიტეტში მუშაობისა და სხვადასხვა აქტივობის განხორციელებისათვის ხელსაყრელ სამუშაო გარემოს.

პრაქტიკის გავლის / სტაჟირების შემთხვევაში, ევროპის უნივერსიტეტი უზრუნველყოფს სტუდენტთა განაწილებას პარტნიორ ორგანიზაციებსა და დაწესებულებებში მათთან გაფორმებული მემორანდუმების საფუძველზე.

პროგრამის განხორციელების ადამიანური რესურსი

საბაკალავრო საგანმანათლებლო პროგრამის განსახორციელებად უზრუნველყოფილია სათანადო გამოცდილებისა და კომპეტენციის მქონე პერსონალი. საგანმანათლებლო პროგრამით შეთავაზებულ სასწავლო კურსებს უძღვება უნივერსიტეტის აკადემიური პერსონალი, ასევე მოწვეული მაღალკვალიფიციური პერსონალი (იხ. დანართი #6).

შენიშვნა: ტურიზმის საბაკალავრო საგანმანათლებლო პროგრამის დანართები წარმოადგენს პროგრამის განუყოფელ ნაწილს.

ტურიზმის საბაკალავრო საგანმანათლებლო პროგრამის ხელმძღვანელი:

პროფესორი, მათა აზმაიფარაშვილი

ბარისხის უზრუნველყოფის სამსახურის უფროსის მ.შ.:

სოფიო ხუნდაძე